



साःगु भिंगु मरिचरिया निति लुमका दिसें !

लक्ष्मण जमाल 'विलमि' प्रोप्राइटर

लाखा छेँ
LAKHA CHHEN

सोन्हखुटे, वडा नं. १६, येँ, फोन नं.: ८३६०७५८

मेयरया गैर जिम्मेवार अभिव्यक्ति जोशया अभिव्यक्ति कि गवाका: न्ववाकूगु ?

येँ न्हूदँया दिनय वसन्तपुलिइ न्हूदँया च्यालीलिसें समारोह जुइ, मोटरसाइकल च्याली नं जुइ। थुगुसी नं जुल। तर थुगुसी मेगु छू तँसा ज्याइवः नं खनेदत। येँया सिलामुगलय शंखधर साख्वालं तत्कालीन नेपाःमि जनताया ऋण मोचन यानाब्युगु थाय धासें त्रिभुवन अन्तर्राष्ट्रिय विमानस्थल दुनेया हिति व फल्चाय सम्पदा संरक्षण महाअभियानया ग्वसालय न्हूदँया ज्याइवः जुल। ज्याइवःया दिनय ज्याइवः याःवःपिन्त पनाः गेट चायकामब्युगुलिसें उगु इलयया मेयरया अभिव्यक्ति चर्चाया विषय जुल।

सम्पदा संरक्षण महाअभियानया छम्ह दुजः रवि शाक्यं थ्व विषयय् छू भिडियो हसना जारीयानादिल। वयकःया धापू कथं थुगु ज्याइवःया निति सेनालिसें विमानस्थलया अधिकारीतलसे न्हयः हे सहलह जुयाच्चंगु खः, खँ ब्यानाच्चंगु खः। ज्याइवः यायगु निति अन घाँय चानाः सरसफाई नं याय सिधयधुकल। तर अन्तिम इलय् दबू तःधक दयकल धकाः ज्याइवः याके मवीगु खँ वयधुंकाः महाअभियानं ज्याइवः पिने हे यायगु अले मेयर लगायत प्यम्ह न्याम्ह मनूत जक हिति व फल्चा दुथाय् दुने थंकेगु खँ क्वःज्यगु जुयाच्चन।



'जिमिसं भिन्यान्हु नीन्हु न्हयःनिसें समन्वय यानाच्चनागु हे खः तर अन्तिम इलय् वयाः पनाबिल। अथेसां व थाय तसकं सम्वेदनशील थाय खः, थुलि खँ जिमिसं नं थू। अनया सुरक्षा व्यवस्थायात कयाः धाःगु व खँयात जिमिसं स्वीकार यानागु हे खः' शाक्यं धयादिल।

थुलि खँ जुइधुंकाः अन नगर प्रहरीत थ्यंकः वल व ज्याइवः यायगु धाःगु उगु थायया गेट डोजर हयाः थुनाबीगु धाःवःगु जुयाच्चन। थनथाय् छू न्हयसः दनेधुंकाः अन्तर्राष्ट्रिय विमानस्थल थुज्वःगु सम्वेदनशील थाय, नेपाली सेनां सुरक्षा बियाच्चंगु थासय् थुकथं स्थानीय सरकारं

डोजरं थुनाबी धाय पाय्छि जुला ? समर्थकतयसं ठिक यात धकाः मिखा तिसिनाः धयाबीफु। तर अन धाथेँ डोजरं व धवाखा थुनाब्युगु जूसा उकिं भविष्यय् गुज्वःगु लिच्चः पिकाइ छकः बिचाः याय। येँ महानगरपालिकां माःथाय माःकथं समन्वय यायगु, खँ ब्याकेगु खः कि फिल्मी शैलीं दादागिरी क्यनाः थः यथे यायगु खः धकाः न्हापा नं न्हयसः दनेधुंकाः दु। 'छु धयागु थ्व ? थन भी न्हूदँ हं वयापिं खः। गन थज्याःगु सम्वेदनशील थासय् थथे थुनेगु खँ ल्हाः वयागु धकाः जिं पना। जिं उलि धायधुंकाः अन गेट थुनेगु खँ मजुल' शाक्यं जानकारी बियादिल।

थुलि जुइधुंकाः स्थिती अभ

सामान्य अवस्थापाखे वनेधुंकाः खः। वयां लिपा अन येँ महानगर प्रमुख बालेन शाह वयधुंकाः वयकलं थःगु नुगः खँ तयगु इवलय् 'थन उलिमछि मनू दु, छु स्वयाच्चनागु ? थ्व गेट दक्क जानाः तछ्याना छ्वःसां ज्यू' धकाः माइकय् हे न्ववानादिल। स्थानीय सरकारया प्रमुख थुज्वःगु जिम्मेवार पदय् च्वनाच्चंम्ह व्यक्तिया थ्व अभिव्यक्ति गुलितक जम्मेवार जू धकाः थनथाय् मेगु न्हयसः दन।

उलि जक मखु, वयकलं प्रतिनिधि सभा सदस्य पदया छम्ह उम्मेदवारया नां कयाः 'छिपिं गेट तछ्यानाः दुहांवनेम्वाःला ?' धकाः तर्क धयाबिल। न्हूदँ हनेत मुंगु व भीडया

दथुइ बालेन शाहं थुकथं उक्से यायगु अभिव्यक्ति बीगुया उद्देश्यय् नं न्हयसः दंगु दु। थुकथं विधि व प्रक्या क्वत्यलाः सकसिनं थः यथे सन धाःसा उकिया जिम्मेवारी सुनां काइगु ? लिसें अन मुंगु भीडं धाथेँ वयकलं ग्वाकूथे जोशय् वयाः गेट तछ्याःवंगु सा उकिया लिच्चः छु जुइगु ? 'अन सशस्त्र प्रहरी, जनपद प्रहरीलिसें नेपाली सेना यानाः स्वंगू तहया सुरक्षा तयारी अवस्थाय् दु। अन हवाइ फायर यानाः, टियर ग्याँस कयकाः मेपिन्त नियन्त्रणय् काइ, मेयरयात वयकःपिन्सं हे सुरक्षा बियाः यंकी। हिरासतय् लाइबलय् ला महाअभियानया अभियन्तात मखुला ? अले सम्पदा संरक्षण महाअभियान सिमधःला ?' शाक्यं धयादिल।

थुलिया दथुइ मेयरप्रति नेवाः सम्पदा संरक्षण अभियान हे सिधयकेगु षडयन्त्र याःगु ला मखुला धइगु शंका नं खनेदुगु दुसा छम्ह उम्मेदवारया नां कयाः न्वाःगुलिं गनं थ्व योजनावद्ध ढङ्गं चुनावी प्रचार जर्कं यायत स्वःगु ला मखुला धइगु शंका नं खनेदुगु दु। महानगर प्रमुखया थ्व जोश वा आक्रोशया अभिव्यक्ति खः वा सुनां वयकःयात ग्वाकाः न्ववाकूगु खः धकाः तर्क मनूतयसं आः आशंका यानाच्चंगु दु।

पुष्पलाल पार्कय् शंखधर व पद्मरत्नया इवाता



येँया १८ वडा तपितौया नापसं च्वंगु पुष्पलाल पार्कय् राष्ट्रिय विभूति शंखधर साख्वाः व नेवाः न्हयलुवा पद्मरत्न तुलाधरया इवाता उलेज्या यात। जनकवि दुर्गालाल श्रेष्ठं उगु निगुलिं इवाताया उलेज्या यानादीगु खः। इवाता येँ मनपा १८ ज्याकूपाखे तःगु खः। १८ वडाया अध्यक्ष न्हुळेकाजी महर्जनया सभापतित्वय् जगु ज्याइवलय् जनकवि दुर्गालाल

श्रेष्ठलिसें पुलांम्ह मेयर विद्यासुन्दर शाक्य, मडुम्ह पद्मरत्न तुलाधरया म्थ्याय् मयजु सुमिमा तुलाधरपिसं नुगःखँ तयादीगु खः।

१८ वडाया पहलय् दयेकूगु उगु पुष्पलाल पार्कय् नेपाल कम्युनिष्ट पार्टीया संस्थापक महासचिव पुष्पलाल श्रेष्ठया इवाता नं तयातःगु दु। इवाता कलाकार श्याम तुलाधरं दयकूगु खः।

Trendiest Fashion
At Price You Love

ufo
THE CUTTING STORE

गालय् वन

थाय : सिडीसी सिनेमाज, सुन्धारा सीटीसी मल
दि : कार्तिक २६ गते शनिवार ई : सुथसिया ९ ताः

टिकटया मू ५००/-
स्वापूः 9801029850, 9841546576, 9841425338



नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुककं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छ्म
जातितय् स्वायत्त राज्यं लुइ कपं चव्यु भिर्लिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



थौं भीत द्यःयात थें विन्ति याइपिन्सं कन्ह्यु भीत च्यः द्युकः मवय्मा

मंसीर ४ भन भन सतिना वयाच्वंगु दु । प्रतिनिधि सभा सदस्य व प्रदेश सभा सदस्यया नितिं मतदान याय्गु दिं । देय्या भविष्य द्युकेत थःगु विवेक छ्यलेगु दिं । धाय्क ला थथे धकाः द्युदसं धयावःगु दु । तर देय्या अवस्था प्रगतिपाखे स्वयां दुर्गातिपाखे वनाच्वंगु थें खनेदु । खतुं थ्व ईतक्कया दुने बांलाःगु ज्यात मज्गु नं मखु । तर दलतय् फोहोरी राजनीति दथुइ, भ्रष्टाचार दथुइ व बांलाःगु ज्यात तनावंगु दु ।

आः भोट बीगु सुइत ले ? भोट बीत आधार छुकियात नालेगु ले ? धमाधम दलतय्सं घोषणा पत्र पिकयाहल । भोट बीगु नितिं छ्म आधार घोषणापत्र ला खः तर, व घोषणा पत्रयात गुलितक्क विश्वास याय्गु ले ? घोषणा पत्र ब्वनेबलय् ला तसकं बांलाः नि । उकी ला बांलाःगु खँ जक दइगु खः । सुनां नं जिं निर्वाचन त्याका वनाः पदय् च्वंने अले गाक्क भ्रष्टाचार यानाः धेबा कमे याय् धकाः ला च्वइ हे मखु । जिं थ्व याय्, जिं व याय् धकाः चाक्कु माक्कु खँ जक हे च्वइगु खः । न्हापा नं अज्याःगु घोषणा पत्रत ला भीसं यक्व स्वयं धुन, ब्वनेधुन । अले अज्याःगु घोषणा पत्र स्वयाः मत नं बी धुन । तर उगु घोषणा पत्रया छु बुँदा छु घोषणां मूर्त रुप काल, छु घोषणा कार्यान्वयन जुल धकाः स्वल धाःसा हातमा लाग्यो सुन्ना धाय् थें जुइ ।

आः उम्मेदवारया आगेपिछे स्वयाः, ज्या, व्यवहार स्वयाः मत बी धाय्गु सा नं ग्वःम्ह दु थन बांलाः धाय्पिं नेतात, उम्मेदवारत ? एक से एक नेतात व हे पहःयापिं खः । सु शुद्ध खनेदु थन ? ९० प्रतिशत ला ध्याचः क्युपिं जक हे खनेदइ । आः ल्यं दुपिं भिर्गु प्रतिशतय् नं ग्वःम्ह सक्षमपिं दु धकाः मालेमनि । न्ह्यागु न्ह्याथे धाःसां उम्मेदवार ल्यय्गु दकले बांलाःगु तरीका ला थ्व हे खः थें च्वं । न्हापा यानावःगु ज्या, समाजय् वं क्यंगु उत्तरदायित्व आदियात हे लिधंसा नालाः थःगु मत बीनु । थुगुसी पार्टी स्वयाः, चुनाव चिं स्वयाः मखु, उम्मेदवारया भिजन स्वयाः, वयागु ईतिहास स्वयाः मत बीनु ।

आः हाकनं व दिन न्ह्यःने वयाच्वंगु दु, गुगु दिनय् देय् न्ह्याकेगु भाला सुइत बीगु धकाः भीसं क्वःछीगु जुइ । आःतक्क भी द्यः जुयाच्वनागु दु । उम्मेदवारतय्सं भीत विन्ति यानाः पालि भवपू वयाच्वंगु दु । आः भीसं विवेक छ्यलेमफुत धाःसा मंसीर ४ लिपा हाकनं न्हापा थें भीत शासन याइपिं वयाः भीगु जँ त्वथुवइ, थौं द्यः द्युकाच्वपिन्सं भीत हाकनं च्यः द्युकेत स्वइ । आः थःगु थासय् थः हे द्यः जुइगु कथं बिचाः याय् । शासित मखु, जनता थः हे शासक जुइगु कथं मत बी ।

भ्रष्ट नेता : दिक्क जूपिं जनता



डि.आर. स्वइगी

राजनीति नापं मेमेगु ख्यलय् नं निगू पक्षया दथुइ संघर्ष जुयातुं च्वनी । निगू पक्षया अर्थ खः, सत्य पक्ष व असत्य पक्ष । विशेष यानाः राजनैतिक क्षेत्रय् अभ अण्वः सत्य व असत्य पक्षया दथुइ भन् अण्वः संघर्ष जुयाच्वनी । इतिहासं नं क्यनाच्वंगु दु कि असत्य पक्षं यक्व आधिपत्य कायम यानातुं च्वनीगु खँ न्ह्यथनातःगु दु । देशया राजनीति नं अर्थात सामन्ति वा तानाशाही विरुद्ध सत्य पक्ष क्रान्ति यानाः सत्ताय् वइसा असत्य पक्ष धाःसा क्रान्ति यानाः मखु, षडयन्त्र यानाः सत्ताय् वइ । सत्य पक्षयात असत्य पक्षं षडयन्त्र यानाः क्वत्यला तइ । भीगु देसय् जक थथे जुयाच्वंगु मखु, विश्वया आपालं देसय् असत्य पक्षं षडयन्त्रपाखें सत्ताय् वनाच्वंगु दु ।

असत्य पक्ष धाय्बलय् लुच्चा, फटाहा, बेइमान, भ्रष्टाचारी व अनैतिक ज्या यानाः देसयात बर्बाद यानाच्वनीपिं खः । सत्य पक्षया अर्थ सादा जीवन उच्च विचार ज्वनीपिं खः । सत्य पक्षया महानता धयागु थ्व खः । सत्य अथवा विवेकी सकारात्मक विचाः दुपिं नेतातय्गु ल्हातय् सत्ता लात कि देय् व जनताया प्रगति व उन्नतियात ध्यानय् तयाः ज्या यानाच्वनी । असत्य पक्ष सत्ताय् वन कि हाकुबज्जा, माफिया व विदेशी शक्तिया दलाल जुयाः जनतायात दुःखकष्ट बीगु यानाच्वनीसा मेखे देसयात नं कंगाल यानाच्वनी ।

भीगु देसया राजनीति नं फटाहा, असत्यतय्गु पक्षया ल्हातय् नापनापं दलाल नेतात जुयाच्वंगु हुनिं जनतातय् प्यखेरं मारय् लाकाः सास्ना बियाच्वंगु दु । राजनीतिक नेतात मभिर्पिं जुल कि मुक्कं देसयात हे नकारात्मक लिच्वः जक लाकाच्वनीगु मखु, देसयात नं बर्बाद याइ । थौंकन्ह्यु भीगु देसय् नं थथे जुयाच्वंगु दु । नेतातय्गु राजनीति हे जातिभेद, छुवाछुत वर्णभेदया दलदलय् तक्कनाच्वंगु दु । अभ थुलि जक मखु, जनतायात मूर्ख याय्गु नितिं धार्मिक नामं अन्धविश्वास ब्वलंकाः जनतायात फोहर कुसंस्कृति हनेत हःपाः बियाः जनताया आर्थिक अवस्था खराब याना वनेगु नं स्वयाच्वनी ।

अविकसित देस व विकसित देसया नेता व जनताया सोचया फरक थुकिं क्यनाच्वनी । विकसित देय्या नेता व जनतां देय्यात सही थासय् यंकेगुलिइ ध्यान बियाच्वनी । स्वयम् सरकारं हे उद्योग, बाणिज्य, व्यापारया नापनापं कृषिइ अण्वः ध्यान बियाच्वनी । सरकार हे न्ह्यज्यानाः जनतायात उत्पादनमूलक उद्योग, कृषि

पुँजीवादी पार्टीया रँ ला त्वःते, जनपक्षीय कम्युनिष्ट धाइपिं नेतातसें तर्क अति हे भ्रष्टाचार व कमिशन नयाः जुजुतय्सं थें विलासी जीवन हनाच्वंगु खनाः जनता वाक्क दिक्क जुयाच्वंगु दु ।

नेपाःया राजनीति केन्द्र व प्रदेशय् यानाः ठहोतिं नं गुसःम्ह सांसदत दु । व फुककं सांसदतय्गु ज्या देसया सभपतियात प्रत्यक्ष वा अप्रत्यक्षकथं लुटय् यानाः विलासी जीवन हनाच्वंगु खनेदु । थ्व हे हुनिं देस कठकन् कंगाल जुलसा नेतात धाःसा कठकन् धनी जुजुं वनाच्वन ।

व मेमेगु लागाय् लगानी याकेत यक्व सुविधा बीगु यानाच्वनी । अविकसित देसया नेतात खराब जुयाच्वनीगुलिं व नेतातसें जनतायात च्यः, भ्वातिं यानाः जनतायात दरिद्र दय्का बी । जनतायात विदेसय् च्यः ज्या याकाः रोयल्टी नयाच्वनी ।

विकसित देसया नेता बांलाःपिं जुयाच्वनीगुलिं जनताया धेबा पाय्छि थासय् लगानी यानाः देय् व जनताया कल्याण याइ । यूरोप, चीन धनी जुयाच्वंगु कारण नेतात भिर्पिं जुयाः खः । भीगु देस गरीब जक मखु, कंगाल जुया वनाच्वंगु हुनि नेतातय्गु सोच भ्रष्ट व दलाली जुयाः खः । दसूया नितिं चीनय् चाड काइ सेकया शासनया इलय् अनया जनता अति गरीब जुयाच्वंगु खः । अभ थुलि जक मखु, जनतायात अनेककथं कष्ट नं बियाच्वनी । जनताया स्थिति तसकं खराब जुया वनाच्वंगु हुनि नं चाड काइ सेक थः नं भ्रष्ट, शोषक वया नापनापं जापान व अमेरिकाया दलाल जुयाच्वंगुलिं खः ।

यूरोपय् नं सामन्ति जुजुतय्गु शासनया इलय् जनता नं अति गरीब जुजुं वनाच्वंगु खः । जब यूरोप व चीनय् सामन्ति शासकत पतन जुल, नेता नं भिर्पिं सत्ताय् वल, देसया अवस्था अति हे बांलाना वन । चीनय् माओत्से तुइ देसयात ठीक यात, देसयात पाय्छि दिशाय् यंकल । अमेरिकाय् अब्राहम लिंकनं देसयात पाय्छि लँपुइ यंकेगु ज्या याःगु खः । तर छता खँ छु धाःसा देस गरीब जूसा थनया थनया नेता व उमिगु आसेपासेत व कर्मचारीत धाःसा अति हे धनि जुयाच्वंगु दु । पुलांगु राजनैतिक भासं धाय्गु खःसा जनता गरीब यानाः नेतात धनि जुइगु नीतियात सामन्ती शासक धाइ । सामन्ती शासक देस विकास याय्क माःगु धेबा थःगु छँजःया नितिं विलासी खर्च यानाः फूर्ति यानाच्वनीपिं खः ।

इतिहासं प्रष्ट यानाच्वंगु दु फ्रान्सया जुजु लुइ सोह्रौया लानी मेरी एन्टेनेटया सेवाया नितिं जक न्यासःम्ह नोकरचाकर लगय् जुयाच्वनी । जुजुया डाइनिड्या मूल्य जक व इलय् १५गु

लख । लानीं म्ह छम्ह लुं, हिरा, मोतिं जाःगु वसः फिनाच्वनी । रुसया जारशाही परिवारया फुकक दुजःपिन्सं विलासी जीवन हनाच्वनी । देसया फुकक जग्गा जारशाहीया परिवारया दुजःतसें कब्जा यानाच्वनी । चीनया सामन्ती शासकत नं लुँयागु लाकां न्ह्याइगु धकाः इतिहासं प्रष्ट याः । खाली राजा महाराजा जक मखु, विश्वया तानशाह शासकतपाखें नं भ्रष्टाचार यानाः भोगविलास याना वंगु नं जनतां मस्यु मखु ।

नेपाःया राणा शासकतसें नं सच्छि व प्यदँतक अति हे शौखिन जीवन हनाः देसयात कंगाल याना थकल । बहुदल शासनया व्यवस्था वल नं पार्टीया नेतातसें नं यक्व भ्रष्टाचार व कमिशन नयाः पजेरो व ततःधंगु महलय् विराजमान जुयाच्वंगु दु । पुँजीवादी पार्टीया खँ ला त्वःते, जनपक्षीय कम्युनिष्ट धाइपिं नेतातसें तर्क अति हे भ्रष्टाचार व कमिशन नयाः जुजुतय्सं थें विलासी जीवन हनाच्वंगु खनाः जनता वाक्क दिक्क जुयाच्वंगु दु ।

भीगु देसय् संघीय शासनया सुरु जुइधुकल । तर सम्पतिया रजाई याइपिं जक अभ अण्वः जुयाच्वन । नेपाःया राजनीति केन्द्र व प्रदेशय् यानाः म्होतिं नं गुसःम्ह सांसदत दु । व फुककं सांसदतय्गु ज्या देसया सम्पतियात प्रत्यक्ष वा अप्रत्यक्षकथं लुटय् यानाः विलासी जीवन हनाच्वंगु खनेदु । थ्व हे हुनिं देस भन्भन् कंगाल जुलसा नेतात धाःसा भन्भन् धनी जुजुं वनाच्वन ।

विज्ञतसें धाय्गु याः, सामन्ती वा तानाशाही नेता स्वयां भ्रष्ट अनैतिक नेतातपाखें होसियार जुइमाः । छायाःसा सामन्ती वा तानाशाहतसें खुल्लारुपं देस व जनतातय् बर्बाद यानाच्वनी, तर भ्रष्ट व अनैतिक नेतातसें जनतायात दंगु नारा अथवा शब्दजाल लायाः जनतातय् भ्रमय् तयाः देसया सम्पति लुटय् यानाच्वनी । थ्व धापू भीगु देसय् पाय्छि जुयाच्वंगु दु । थनया नेतातसें नं जनतायात आकर्षक नारा बियाः देय् व जनता बर्बाद यानाच्वंगु दु ।

“देय्या विकास व आर्थिक समृद्धि योगदान बीत जि राजनीतिइ वयागु खः”

पूर्व प्रहरी महानिरीक्षक सर्वेन्द्र खनाल आसन्न आम निर्वाचनयै क्षेत्र नम्बर ६ य नैकपा (एमाले) पाखें प्रतिनिधि सभा सदस्य पदया नितिं नितिं प्रत्यक्ष उम्मेदवारी बियादीगु दु । नेपाल प्रहरीइ च्वंबलय अपराध अनुसन्धान महाशाखा प्रमुख, ट्राफिक प्रहरी प्रमुखलिसें थीथी पदय च्वनाः ज्या यानाः महानिरीक्षक पदय च्वनाः ज्या यायां वयकलं निर्दय्या धइथें न्ह्यः प्रहरी सेवां अवकाश कयादिल । प्रहरीया सेवां अवकाश काःगु निर्दय्या लिपा वयकः नैकपा (एमाले) प्रवेश यानादिल सा आः चुनावी मैदानय हे कुहांभाःगु दु । थव हे सन्दर्भय वयकःलिसे जूगु खँहाबल्हा न्ह्यब्वयाच्वना । (सं)

❏ छि ला पूर्व प्रहरी महानिरीक्षक, नेपाल प्रहरीइ ज्या यानाः अवकाश धुंकाः राजनीतिइ दुहांभाल । न्हापा हे योजना दुगु खः वा छुं परिस्थिती विशेषं राजनीतिइ छिः सालाहल ?

प्रहरी अवकाश कायधुंकाः जि निर्दय्या धइथें छम्ह आम नागरिकया रुपं समुदायलय च्वनाः सामाजिक जीवन हना । व ई दुने जि बिचाः यानाबलय जिगु न्हापाया अनुभव, जि सयकागु ज्ञान, जिगु कार्यकौशल दक्वयात लनाः स्वयबलय आः राजनीतिइ हे न्ह्याःवनेमाः व देशया विकास यायगुपाखे, आर्थिक समृद्धिया लँपुइ न्ह्यज्याकेगु नितिं जि फक्व योगदान बीमाः धइगु जितः अनुभूत जुल । लिसें सुरक्षा क्षेत्रय ज्या यानाच्वनाबलय समाज व राष्ट्रया सुरक्षाया नितिं जि छगु दृढ संकल्पलिसें समर्पित जुया, आः राजनीतिक क्षेत्रपाखें न उकथं हे न्ह्याःवनेमाः धइगु जितः ताल । देश व जनतायात केन्द्रय मतःसे स्वार्थया राजनीति जुयाच्वंगु खनाबलय आः जि थुकी न्ह्याःवनाः स्वच्छ राजनीतिया लकस दयकेत न भूमिका मिहतेमाः धकाः न जि राजनीतिक क्षेत्रय दुहांवयागु खः ।

❏ छि प्रतिनिधि सभा सदस्यया नितिं उम्मेदवारी बियादीगु दु ? छि त्यात धाःसा प्राथमिकताया आधारय छिं छु ज्या न्ह्यःने यंकादी ?

जिगु वंगु ३० दया अनुभव जिगु ज्ञान, अनुभव धयागु सुरक्षा क्षेत्र खः । थव राष्ट्र, देय गुकथं सुरक्षित जुइ धइगु

खँ दु । राष्ट्रिय सुरक्षाया विषयस जिके ३० दया अनुभव, ज्ञान व कार्यकुशलता दु । उकियात प्राथमिकताय तथाः योजनावद्ध ढंगं न्ह्याःवनेगु जुइ । नापनापं आः दुगु सान्दर्भिक कानूनयात कार्यान्वयनपाखे यंकेगु खँ दुसा असान्दर्भिक खनेदुगु कानूनयात न संशोधन यायगुपाखे भूमिका मिहते । लिसें व्यवहारिक रुपं थाकूगु पक्षयात चीकाः भीगु नितिं ल्वःगु लकस दयकावनेगु खँ दनि । नेपाली जनतां सामाजिक न्यायया, सुरक्षाया व दक्व कथया अधिकारया सुनिश्चितता जुइगु कथं छु छु कानून दयकेफइ धइगु खँय न जिगु अनुभव तिबः बी ।

❏ छिगु क्षेत्रया दकले तःधंगु समस्या वा चुनौती छु खंकादिया ?

६ नम्बर क्षेत्रया खँ ल्हायबलय देशया राजनीतिया अवस्था धाथें हे बांलाः धायमिछिं । विजोग हे धायमाः, दयनीय हे जुयाच्वंगु दु । थज्याःगु अवस्थाय स्वनिगःयात बांलाकेगु नितिं स्वइगु प्रतिनिधित्व महसूस यायगु अवस्था खनेमदु । अयजुगुलिं ६ नम्बर क्षेत्र विशेष कथं बागबजार, अर्स, थँबहिनिसें कयाः लैनचौर स्वयगु खःसा यँया नुगःचु हे खः । थज्याःगु नुगःचुइ न विकास निर्माणया ज्या जूगु दु, न छुं पूर्वाधार हे बांलाःगु खनेदु । पर्यटकिय क्षेत्रया रुपय म्हसियाच्वंगु थँबहि क्षेत्रया अवस्था न दयनीय जुइधुंकल । थँबहिलिइ व्यवस्थित दयकेमाःगु, विकास यायमाःगु यक्व खँ दु । प्राय दक्वथाय धइथें लःया

हे समस्या, धःया समस्या, सडकया समस्या, ट्राफिक व्यवस्थापनया समस्या, बजार व्यवस्थापन मदु, समस्यै समस्या दु । सरोकारवाला संस्थात न दु । अज्याःगु संस्थातलिसे न समन्वय यानाः न्ह्याःवनेगु, छगु गुरुयोजनालिसें न्ह्याःवनाः थज्याःगु समस्यायात चीकाछ्वयमाःगु दु ।

मूलभूत रुपं थनया पर्यटकिय स्थलयात न बांलाकेगु योजना न दु । खुसिया सरसफाइ यानाः ल्यायम्हलिसें ज्येष्ठ नागरिक वनेगु च्वनेगु कथया पार्क दयकेगु, खुसि सिथय सडक मदुथाय दयकेछिंथाय सडक दयकेगु, दुगु सडकया अवस्था भिंकेगु, थनया सामुदायिक स्कूलय गुणस्तरीय शिक्षा बीकेगु, व्यवहारय आधारित शिक्षाया अभ्यास, शिपमूलक तालीम कायगु थाय विकास यायगु, शिक्षा न बीगु तालीम न बीगु कथया ज्या यायमाःगु अवस्था न दु ।

❏ स्वनिगःया म्हसीका धयागु हे थनया सम्पदा खः । थुकथया सम्पदाया संरक्षण, प्रवर्द्धनपाखे छुं योजना दु ला ?

थनया सांस्कृतिक धरोहरया रुपय दयाच्वंगु संस्कृति ल्यंकेगु, गुथिया संरक्षण यायगु, थनया बहाःबहि बांलाकेगु, हितिंयात माःगु मर्मत सम्भार यानाः लः हायकेगु व थनया संस्कृति, सभ्यताया संरक्षण यानाः न्ह्याकार्यकेगुपाखे जिगु योजना दु । भीगु म्हसीका धयागु थव हे खः । अयजुगुलिं नेपाल व नेपालीया पहिचान, उकीसन थनया आदिवासीया पहिचानयात संरक्षण यायगु जिगु व सकलसिगु दायित्व न खः धइगु जितः ताः । व थःवगु दायित्व निर्वाह यायत खँय जि न्हापा न गबलें लिचिलागु मदु, आः दत्तचित्त जुयाः थुकी न्ह्याःवने ।

❏ देशय दुने अवसर मदयाः ल्यायम्हत्त धमाधम देशं पिहांवनाच्वंगु अवस्था दु । थव अवस्थायात कयाः छिगु छु योजना दु ?

ल्यायम्हत्तयत्त देशय दुने तथाः उर्मिगु सीप व ज्ञानया सदुपयोग याकेबीमाः धयागु खँय जि न्हापानिसें हे सचेत । नेपाल प्रहरीइ दुबलय न ल्यायम्हत्तयत्त कुलत, कुसंगतय मलायमा, उमिसं थःगु ज्ञान, सीपयात



सर्वेन्द्र खनाल
प्रतिनिधि सभा सदस्य उम्मेदवार
यै क्षेत्र नं. ६, नैकपा (एमाले)



राष्ट्रिय सुरक्षाया विषयस जिके ३० दया अनुभव, ज्ञान व कार्यकुशलता दु । उकियात प्राथमिकताय तथाः योजनावद्ध ढंगं न्ह्याःवनेगु जुइ । नापनापं आः दुगु सान्दर्भिक कानूनयात कार्यान्वयनपाखे यंकेगु खँ दुसा असान्दर्भिक खनेदुगु कानूनयात न संशोधन यायगुपाखे भूमिका मिहते ।

सहि ढङ्गं छ्यलाः देययात छुं लबः बीमा धयागु कथं न्ह्यज्याकेत कुतः यानागु दु । आः ला भन थव पक्षयात बेवास्ता यायगु पक्कां जुइमखु ।

थन च्विपिं ल्यायम्हत्तय सृजनशीलता सितिं मवनीगु लकस न दयकेमानि । उकिया नापं ल्यायम्हत्तय थन हे रोजगार दइगु, थन हे च्वनाः स्वरोजगार जुइगु लकस न दयकेमानि । लिसें विज्ञान व प्रविधि आधारित जनशक्ति व क्षमतायात थन हे च्वनाः विश्व बजारय धेंधें बल्लाः यायफइगु कथं दक्ष जनशक्ति उत्पादन यायगुपाखे जि बिचाः यानातयागु दु ।

❏ छवे देयया अर्थतन्त्र बांमलाःगु स्थितीइ दु धइगु खँ वयाच्वंगु दुसा मेखे आर्थिक समृद्धिया नारा थवयकाच्वंगु अवस्था दु । देयया अर्थतन्त्र सुधार यायत्त, आर्थिक समृद्धिया नितिं छिं छु गुकथया ज्या यानादी ?

थौकन्ह्या ई धयागु ला सूचना प्रविधिया बः कयाः थनया स्थानीय बजारयात अन्तरीष्ट्रियकरण यायफइगु अवस्था दु । भीगु जःलाखला देयया आर्थिक अवस्था स्वल धाःसां उर्पिं गनं गन थ्यनेधुंकल । समुद्रय दुने रेल ब्वाकेधुंकल । अज्याःगु देयलिसे स्वानाच्वनापिं भीसं अनं नं यक्व लबः कायेफइ । उद्योग, व्यवसायया खँ ल्हायमा, पर्यटनया खँ ल्हायमा, स्थानीय उत्पादनया खँय हे जुइमा,

भीसं थन यायफुगु यक्व ज्या दु । भीगु अवस्था आयातमुखी जुयाच्वंगु दु, निर्यातयात थकायमाल ।

भीगु दकले बल्लाःगु आधार धइगु थनया स्थानीय श्रोतसाधन हे खः । थनया आदिवासी उत्पादन, स्थानीय जडिबुटी आदि कथया स्थानीय श्रोतयात भरपूर सदुपयोग यानाः देशयात फाइदा बीफइ । थव क्षेत्रय न्हापा न गुलिखे संस्थां ज्या न्ह्याकूगु खनेदु तर, व निरन्तर मजुल । दुगु बजेटतक हे सदुपयोग मजुल । थनथाय सक्षम संयोजनकारी भूमिकाया नं अभाव खनेदत । थज्याःगु दक्व अवस्थायात ध्यानय तथाः दिमो अर्थतन्त्र विकास यायगु नितिं जिगु भूमिका दइ ।

❏ दकले लिपा लहनाया पाठक, थः मतदातापिन्त छु हसना बियादी ?

पाटीं घोषणा पत्र जारी यायधुंकूगु दु । व घोषणा पत्र धयागु मतदातायात ह्ययेकाः मात्र मत कायगु नितिं जक मखु, कार्यान्वयनय वनेगु नितिं खः । पार्टीया घोषणा पत्रया कार्यान्वयनय जायगु बचं जिमिसं बीधुन, थःगु बचं पूर्वकेगु जुइ । मतदाता सकलें सचेत दु, सकसिनं थू । देश विकासया नितिं, आर्थिक समृद्धिया नितिं थःगु विवेकशील मतदान यानादिसं । परिवर्तनया नितिं धकाः न्ह्याःवयापिं जिपिं सकलसित साथ बियादिसं । सुभाय ।



थनया सांस्कृतिक धरोहरया रुपय दयाच्वंगु संस्कृति ल्यंकेगु, गुथिया संरक्षण यायगु, थनया बहाःबहि बांलाकेगु, हितिंयात माःगु मर्मत सम्भार यानाः लः हायकेगु व थनया संस्कृति, सभ्यताया संरक्षण यानाः न्ह्याकार्यकेगुपाखे जिगु योजना दु । भीगु म्हसीका धयागु थव हे खः ।

“जिगु ज्यायात जनतां उचित मूल्यांकन याइ”

निर्वाचनय् एमालें पराजय फय्माल । लगातार प्यक्वः त्याःगु व क्षेत्र एमालेया ल्हातं वंगुलिं पार्टी २०७० सालय् जूगु निर्वाचनय् महर्जनयात हाकनं उम्मेदवार दय्कूगु खः । न्हापांगु खुसी निर्वाचनय् महर्जनं चुनावी खर्चया लागिं कयागु त्यासा पुलेत अप्पा ल्हयय्त छ्यलीगु टुक मीमाःगु खः । २०७० सालय् महर्जनयात चुनाव प्रचारप्रसारया भवलय् मेपिं उम्मेदवारया तुलनाय् खर्च याय्त तसकं थाकूगु खः । २०७४ सालया निर्वाचन लखि निला न्हयः महर्जनया ९० दँया मां कान्छी महर्जन मन्त ।

६८ दँया कृष्णलाल महर्जन, पार्टीइ संकट जुइगु इलय् पार्टी ल्यइम्ह यलया नेता खः । महर्जनयात राजनीतिक वृत्तय् थ्व हे कारणं अप्वः म्हसीगु याः । थुगुसीया प्रतिनिधिसभा सदस्यया निर्वाचनय् यल क्षेत्र नं २ या लागिं महर्जनं सत्ता गठबन्धनपाखें उम्मेदवारी बियादीगु दु । महर्जनया थ्व प्यक्वःगु खुसीया उम्मेदवारी खः ।

थुगुसी धाःसा वय्कः एकिकृत समाजवादीया उम्मेदवार जुयादीगु दु । नायः खड्गप्रसाद शर्मा ओलीं निक्वः निक्वः संसद् विघटन यानादिल, संविधान असफल दय्केत स्वल । पार्टी छम्ह मनुया स्वेच्छाचारितां न्ह्याःगु खः । नीति, सिद्धान्त, विचार छुं हे मन्त । उकिया विरुद्धय् विद्रोह यानाः पिहांवयागु खः’ उम्मेदवार महर्जनं धयादिल ।

२०५६ सालय् जूगु निर्वाचनय् नेकपा (एमाले) यल क्षेत्र नं २ या उम्मेदवारय् महर्जनयात न्हापांगु खुसी ल्यःगु खः । पार्टी दुने लो- प्रोफाइलय् च्वनाः सक्रिय जुयावःम्ह महर्जनयात उगु इलय् उम्मेदवार जुइगु मनीसिं चाहना मदुगु खः । उम्मेदवार जुइगु चाहना मतय्गुलिइ अप्पा भट्टा न्ह्याकेगुलिइ व्यस्त जुयाच्वंगु, उकीसनं महर्जनया अबु कान्छा महर्जन मदुगु दकिला नं क्वमचाःनिगु खः । तत्कालीन नेकपा (माले) पाखें सिद्धिलाल सिंह दनीगु जुइधुंकाः पार्टीयात त्याकेत महर्जनयात उम्मेदवारी बीकूगु खः ।

उम्मेदवार महर्जनया कथं उकिया निगू स्वंगू कारण दुगु खः । पार्टी विभाजन अस्तव्यस्त जूबलय् महर्जनया विकल्पय् पार्टी दुने मेम्ह सशक्त उम्मेदवार मदु । निगुगु, सिंहयात २०४८ व २०५१ सालय् चुनाव त्याकेत महर्जन तसकं खटेजुगु खः । स्वंगूगु, सिंह व महर्जन सतीपिं दाजुकिजा जुगुलिं पारिवारिक मत सालेफइगु पार्टीया आंकलन खः ।

‘थः दाजु लिसें नेकपाया कम्युनिष्ट आन्दोलनया छम्ह सशक्त नेता सिद्धिलाल सिंहलिसे चुनाव ल्वाय्त जितः मन मदुगु खः । पार्टी जितः उम्मेदवारी बीकल’ उम्मेदवार

महर्जनं पुलांगु खँ लुर्मकाः धयादिल । पञ्चायती व्यवस्था विरुद्धया संघर्षय् ‘दन्त्य कथा’ या नायः थें छवि दय् कूम्ह सिंहयात चुनावय् बुकेधुंकाः महर्जन संसदया राजनीतिइ थहांवःगु खः । न्हापांगु खुसी सांसद् जूबलय् संसदय् नियमित उपस्थित जुइगु व समसामयिक सवालय् थःगु खँ तइम्ह महर्जनयात यलया जनतां यय्कूगु खः । समसामयिक सवालय् थःगु खँ तय्गु स्वभावयात धाःसा महर्जनं न्ह्यःया संसदय् ब्वयामदी ।

२०७४ सालया निर्वाचन त्याकेधुंकाः विकास निर्माणया यक्व प्रस्ताव यंकूगु खः । पार्टी दुने थःगु प्रस्तावयात बेवास्ता याःगु महर्जनया अनुभव दु । ‘पार्टी दुने माधव गुटया सांसद् धकाः फरक व्यवहार यात । संसदय् न्वावाय् हे मब्यू न्वावाय्त अनुमति काय्बलय् ई मदु धकाः संसदीय दलया उपनेतां गबलें हे अनुमति मब्यू । थज्याःगु व्यवहार छकः मखु, निक्वः मखु, पटक पटक स्वयमाल । उकुसमुकुसया अनुभूति जुल, बाध्य जुयाः पार्टी त्वःतागु खः’ उम्मेदवार महर्जनं धयादिल ।

२०६४ सालया संविधानसभाया निर्वाचनय् पार्टी थःत उम्मेदवार दय्कीगुलिइ तसकं आशावादी दुगु खः ।

सिद्धिलाल सिंह हे चुनावय् दनीगु जूसां वय्कःयात टिकट मबिल । निर्वाचनय् एमालें पराजय फय्माल । लगातार प्यक्वः त्याःगु व क्षेत्र एमालेया ल्हातं वंगुलिं पार्टी २०७० सालय् जूगु निर्वाचनय् महर्जनयात हाकनं उम्मेदवार दय्कूगु खः ।

न्हापांगु खुसी निर्वाचनय् महर्जनं चुनावी खर्चया लागिं कयागु त्यासा पुलेत अप्पा ल्हयय्त छ्यलीगु टुक मीमाःगु खः । २०७० सालय् महर्जनयात चुनाव प्रचारप्रसारया इवलय् मेपिं उम्मेदवारया तुलनाय् खर्च याय्त तसकं थाकूगु खः ।

२०७४ सालया निर्वाचन लखि निला न्हयः महर्जनया ९० दँया मां कान्छी महर्जन मन्त । मुक्कं परिवार शोकया स्थितिइ लानाच्वंगु खः । थुकिं

यानाः चुनावय् वनेगु इच्छा मदुगु खः । अथेसां पार्टी उम्मेदवार दय्कल व महर्जन चुनावय् त्या नं त्यात ।

एकिकृत समाजवादीया नायः माधवकुमार नेपालयात निक्वः नापलानाः थुगुसी निर्वाचनय् थः उम्मेदवार मजुइगु खँ तयागु धासं महर्जनं धयादिल ‘जिगु खँ न्यनाः नेता नेपालं ज्यू नं धयादीगु खः ।

लिपा जि मदुगु इलय् जिल्लाया नेता व कार्यकतात नेता नेपालयाथाय् वनाः जितः हे उम्मेदवार दय्केमाःगु खँ जोडडार रुपं तःगु न्यना । पार्टीया अस्तित्व ल्यंकेगु मुख्य न्ह्यसः जुल । थुकिं यानाः लिपांगु इलय् उम्मेदवार जुइगु प्रस्ताव स्वीकार यानागु खः’ महर्जनं धयादिल ।

‘पार्टीयात संकटं लिकाय्त हाकनं चुनावी मैदानय् कुहाँ वयागु खः । सत्तागठबन्धनया दलतय्गु बल्लाःगु समर्थन व न्हापा यानागु या हे चुनाव त्याकेगु मुख्य आधार खः’ उम्मेदवार महर्जनं धयादिल ।



कृष्णलाल महर्जन
प्रतिनिधि सभा सदस्य उम्मेदवार
यल क्षेत्र नं. २, नेकपा (एस)



२०५६ सालय् जूगु निर्वाचनय् नेकपा (एमाले) यल क्षेत्र नं २ या उम्मेदवारय् महर्जनयात न्हापांगु खुसी ल्यःगु खः । पार्टी दुने लो- प्रोफाइलय् च्वनाः सक्रिय जुयावःम्ह महर्जनयात उगु इलय् उम्मेदवार जुइगु मनीसिं चाहना मदुगु खः । उम्मेदवार जुइगु चाहना मतय्गुलिइ अप्पा भट्टा न्ह्याकेगुलिइ व्यस्त जुयाच्वंगु, उकीसनं महर्जनया अबु कान्छा महर्जन मदुगु दकिला नं क्वमचाःनिगु खः ।

आगामी मंसिर ४ गते हुने प्रतिनिधि सभा र प्रदेश सभा निर्वाचनमा ललितपुर क्षेत्र नं. २ का गठबन्धनका साभामा उम्मेदवारहरू

प्रदेश २ (क) का उम्मेदवार



रिसा श्रेष्ठ
गठबन्धन साभामा उम्मेदवार
नेपाली काँग्रेस



प्रतिनिधि सभाका उम्मेदवार



कृष्णलाल महर्जन
गठबन्धन साभामा उम्मेदवार
नेकपा (एकीकृत समाजवादी)



प्रदेश २ (ख) का उम्मेदवार



रामकृष्ण चित्रकार
गठबन्धन साभामा उम्मेदवार
नेपाली काँग्रेस



गठबन्धनका चुनाव चिन्हमा मतदान गरी अत्याधिक बहुमतले विजयी गराऔं

यहांहरूको साथ सहयोग सद्भाव र अमूल्य मतको अपेक्षा गर्दछु ।

संघीय राजधानी रैं, सांस्कृतिक राजधानी कथं क्षेत्र नम्बर ८ यात विकास याय्गु जुइ

वड्गु मंसीर ४ गते जुइत्यंगु आम निर्वाचनय् प्रतिनिधि सभा सदस्य पदया निति रैं क्षेत्र नम्बर ८ पाखें जीवनराम श्रेष्ठ थुगुसी नेकपा (एस) पाखें प्रत्यक्ष उम्मेदवारी बियादीगु दु। श्वयां न्ह्यःया आम निर्वाचनय् नं नेपाली काँग्रेसया गढ धयातःगु श्व हे क्षेत्र वय्कः निर्वाचित जुयादीगु खः। आः न्ह्यःने थ्यनाच्चंगु निर्वाचनय् वय्कःया उम्मेदवारीयात कयाः लहना संवाददातां वय्कःया उम्मेदवारी व श्वयां न्ह्यः सांसदया रुपय् वय्कलं यानादीगु ज्यायात कयाः याःगु खँलाबल्हा। (सं)

❶ छिं हाकनं थुगुसीया आम निर्वाचनय् नं प्रतिनिधि सभा सदस्यया निति उम्मेदवारी बियादीगु दु। छिगु उम्मेदवारी छाय् श्व खँ प्रष्ट यानादी ला ?

श्वयां न्ह्यः २०७४ सालय् जूगु आम निर्वाचनय् रैं क्षेत्र नम्बर ८ पाखें हे मतदातां जितः थःगु मत बियाः त्याकाछुगु खः। निर्वाचनया इवल्य् श्व क्षेत्रया विकासया सवालय् जिं छु छु नं प्रतिवद्धता जाहेर यानागु खः, लिसें राष्ट्रिय राजनीतिइ जिं म्हितेगु भूमिकाया बारे खँ लहानागु खः, व कथं थुकिया दथुइ श्व क्षेत्रया समस्या समाधान याय्गु खँय् जि इमान्दारीपूर्वक न्ह्यज्यानागु दु। साधन श्रोतयात अधिकतम छयलेगु खँय् जिं मिहिनेत यानागु दु। श्व क्षेत्रय् दुगु गुलिखे समस्या आः समाधान जुइधुंक्गु अवस्था नं दु। गुलिखे समस्या अझ हे समाधान याय् ल्यं दनि। न्हापाया बांलाःगु ज्याया निरन्तरता, ल्यं दनिगुलिसें न्ह्यगु योजनात न्ह्यःने हयाः श्व क्षेत्रया विकास याय्गु, थनया स्थानीय संस्कृति, सम्पदाया संरक्षण व विकासया सवालय् अझ धिसिलाक्क न्ह्यःने वनेगु, संस्कृति व आर्थिक पक्षयात स्वानाः थनया जनतायात आर्थिक समृद्धिपाखे न्ह्याकायकेगु निति जिं हाकनं थुगुसी नं उम्मेदवारी बियागु दु। आशा दु, न्हापा जितः विश्वास यानाः मत बियादीपिन्सं जिगु ज्याया मूल्याङ्कन यानाः हाकनं जितः निर्वाचित यानादी।

❷ न्ह्यःया निर्वाचनय् छिं निर्वाचित जुइधुंकाः छिं यानादियागु उपलब्धीमूलक ज्यात छु छु दु ?

छगु ला जिं सुरुइ हे धयागु हनुमानध्वाखानिसें स्वयम्भुतक्क वर्ल्ड हेरिटेज टु वर्ल्ड हेरिटेज ट्रेल दय्केगु खँ लहानागु खः। श्व ज्यां गति काय्धुंक्कल। थुगु परिकल्पनां मूर्त रुप काल कि थनया स्थानीय जनतां थुकिं लाभान्वित जुइगु, आर्थिक समृद्धिपाखे न्ह्याकीगु स्थिति थ्वं दय्की। अनं मेगु धयागु श्व क्षेत्रय् रैंया यइपूगु दृश्य स्वयञ्ज्गु

खुल्ला थासय् नागार्जुन नगरपालिका दु। अन होमस्टेया प्रचुर सम्भावनायात स्वयाः स्थानीय जनसमुदाययात हे तालीम बियाः स्थानीय जनशक्ति तयार याय्गु व उमित लाभान्वित याय्गु, पर्यटनया केन्द्रया रुपं विकास याय्गु धकाः ज्या न्ह्याकाच्चनागु दु। अथे हे, चःमति जग्गा एकिकृत आयोजना १५औं वर्षीनिसें अलपत्र जुयाः योजना हे असफल जुइगु स्थिती जुइधुंक्गु खः। वडा, नगरपालिकालिसे जानाः आयोजनायात अलपत्र जुइगु स्थिती

श्व नेपालया पर्यटन क्षेत्रया निति न्ह्यगु प्रडक्ट जुइ। लिसें विश्वया लागि नं न्ह्यगु विषय जुइ। यवव हे थासय् ठीसं वर्ल्ड हेरिटेज स्वय्खनी। तर वर्ल्ड हेरिटेज टु वर्ल्ड हेरिटेज वनेगु ट्रेल धयागु ठह्वः हे जक खंकेफइ। श्व पर्यटकतय् लागि तसकं आकर्षक विषय नं जुइ। थुकिं रैंया संस्कृति, परम्परायात पिब्वइ। भौगु जन्मनिसें मृत्यु संस्कार नं थुकिया दुने स्वय्फइ। नापनापं थुकिं श्व क्षेत्रया आर्थिक समृद्धिया आधार नं तयार याइ। थ्वं मुक्कं क्षेत्रयात हे पर्यटकिय क्षेत्रया रुपय् विकास याय्गु, रोजगारी श्रृजना याय्गु, परम्परागत सीप कला, पेशायात पुनर्स्थापित याय्गु व मुक्कं क्षेत्रयात हे विकास याय्गु अवस्था दय्की। थुकिया निति जिं पूर्वाधार नं तयार याना वनाच्चनागु दु, जनशक्ति नं तयार यानाच्चनागु दु। विकासया खँ ल्हाय्बल्य व विकासं अनया स्थानीय जन समुदाय लाभान्वित जुइमाः धयागु जिगु मान्यता खः। कन्हय् श्व ट्रेल तयार जुइधुंकाः भौत गाइड माली। व गाइड अनया स्थानीय मनूत हे विकास याय्माः। लोकल गाइड ट्रेनिङ बियाः शीप बीगु ज्या नं जुइधुंक्गु दु।

उद्धार यानाः नमूना आयोजनाया रुपं करीब करीब पूर्वंगु अवस्थाय् दु। कोरोना महामारीया इलय् सकलें यानाः छैय् छैय् च्वनाच्चंबल्य संसदया स्वास्थ्य तथा शिक्षा समितिइ उपसमिति संयोजक जुयाः सरकारं याःगु ज्याया निरिक्षण व अनुगमन याय्गु ज्या याना। अथे हे, ८ नम्बर क्षेत्रय् आनन्दकुटी विद्यापीठय् जीर्ण जूगु भवनया मर्मत यानाः ५० बेडया आइसोलेसन न्ह्याका। अन सितिकं प्यछाःया खाना, २४ घौ हे डाक्टर, नर्स, अक्सिजनलिसें सुविधा बियाः ४दँया मचानिसें ९३दँया ज्याथःजिथियात तकं सेवा बिया।

अथे हे कोभिड जूपिन्त हेला याय्गु मखु, हःपाः बीमाः धइगु हसना बीकथं छैय् छैय् वनाः कोभिड विरामीयात नापलानाः मास्क, स्यानिटाइजर, पौष्टिक खाना व आयुर्वेदिक वासः आदि बीगु ज्या नं याना। स्वयम्भुइ भुखाचं क्षतिग्रस्त भवन पुनर्निर्माणया सवालय् नं रैं महानगरपालिका १५ वडाया वडाध्यक्षया नेतृत्वय् ज्या यानागु दु।

❸ छिं हनुमानध्वाखानिसें स्वयम्भुतक्क सम्पदा मार्ग दय्केगु खँ नं ल्हवनादीगु दु। श्व ज्या गनतक्क थ्यन ?

श्व क्षेत्र देय्या सांस्कृतिक राजधानीया रुपय् स्थापित क्षेत्र नं खः। भौगु देय्या संघीय राजधानी रैं, सांस्कृतिक राजधानी क्षेत्र नम्बर ८ खः। हनुमानध्वाखा विश्व सम्पदा क्षेत्रय् लाः। थन गुलि नं संस्कृति, सम्पदा, जात्रापरव दक्व थन हे दु, गुकिं देय्या हे पहिचान कुबियाच्चंगु दु।

हनुमानध्वाखाया नापं श्व हे क्षेत्रय् विश्व सम्पदाय् दुथ्याःगु मेगु धार्मिक थाय् नं दु, स्वयम्भू। हनुमानध्वाखा हिन्दु परम्परा, संस्कृति म्हासियाच्चंगु दु। स्वयम्भू बौद्ध केन्द्रया रुपं म्हासियाच्चंगु दु। थुकथं निगु विश्व सम्पदा दुथ्याःगु थाय्यात स्वानाः वर्ल्ड हेरिटेज टु वर्ल्ड हेरिटेज ट्रेल दय्केगु धकाः जिं परिकल्पना याना। जि निर्वाचित जुइधुंकाः थुकी हे केन्द्रीत जुयाः जिं ज्या न्ह्यःने यंका, गुरुयोजना दय्का। ज्या न्ह्याकायकेत कुतः याना। व हे कुतः यायां श्व थासय्तक्क थ्यंगु दु। थुगुसी हे ज्या न्ह्याय् नं धुंक्गु दु। सरकारयापाखे बजेट विनियोजन यानाः आः पुरातत्वं अनया सम्पदायात पुनर्निर्माण याय्गु, मर्मत, जिर्णोद्धार याय्गु ज्या न्ह्यःने यंकेधुंक्कल। शहरी विकास मन्त्रालयं अनया ट्रेल, मत, धः कथंया सकतां दय्केगु ज्याय् बहुवर्षीय योजनासहितया टेन्डर यानाः आः ज्या न्ह्याकाय्गु दु। जिं थुकीया शिलान्यास नं याय्धुनागु दु।

❹ श्व वर्ल्ड हेरिटेज टु वर्ल्ड हेरिटेज ट्रेलं स्थानीयया स्तरान्ती, आर्थिक

विकासय् गुकथं तिवः बी ?

श्व नेपालया पर्यटन क्षेत्रया निति न्ह्यगु प्रडक्ट जुइ। लिसें विश्वया लागि नं न्ह्यगु विषय जुइ। यवव हे थासय् भौसं वर्ल्ड हेरिटेज स्वय्खनी। तर वर्ल्ड हेरिटेज टु वर्ल्ड हेरिटेज वनेगु ट्रेल धयागु म्ह्वः हे जक खंकेफइ। श्व पर्यटकतय् लागि तसकं आकर्षक विषय नं जुइ। थुकिं रैंया संस्कृति, परम्परायात पिब्वइ। भौगु जन्मनिसें मृत्यु संस्कार नं थुकिया दुने स्वय्फइ। नापनापं थुकिं श्व क्षेत्रया आर्थिक समृद्धिया आधार नं तयार याइ। थ्वं मुक्कं क्षेत्रयात हे पर्यटकिय क्षेत्रया रुपय् विकास याय्गु, रोजगारी श्रृजना याय्गु, परम्परागत सीप कला, पेशायात पुनर्स्थापित याय्गु व मुक्कं क्षेत्रयात हे विकास याय्गु अवस्था दय्की। थुकिया निति जिं पूर्वाधार नं तयार याना वनाच्चनागु दु, जनशक्ति नं तयार यानाच्चनागु दु। विकासया खँ ल्हाय्बल्य व विकासं अनया स्थानीय जन समुदाय लाभान्वित जुइमाः धयागु जिगु मान्यता खः। कन्हय् श्व ट्रेल तयार जुइधुंकाः भौत गाइड माली। व गाइड अनया स्थानीय मनूत हे विकास याय्माः। लोकल गाइड ट्रेनिङ बियाः शीप बीगु ज्या नं जुइधुंक्गु दु।

❺ छिकपिन्सं आर्थिक समृद्धिया खँ लहानाच्चनादीगु दु। देय्या अर्थतन्त्र डामाडोल स्थितीइ दु धइगु खँ वयाच्चना। थुकी छिं छु धयादी ?

श्व धयागु राष्ट्रिय रुपं हे नालेमाःगु नीतिया खँ जुल, योजनाया खँ जुल। थौं देय्या अर्थतन्त्रय् गुगु लिच्चः लाःगु दु, व छचा वा छहुं जूगु खँ मखु। म्हागःया केपी ओली शर्माया सरकारया पालय् याःगु ज्या व गलत नीतिया कारणं उकिया निरन्तरतां देय्या अर्थतन्त्रय् लिच्चः लाःगु अवस्था खः। आः थुकियात सहजताया वातावरणय् यंकेगु खँ व अर्थतन्त्रय् गुगु चाप अप्वयाच्चंगु दु, वैदेशिक मुद्राय् चाप अप्वयाच्चंगु स्थिती दु। आःया अर्थतन्त्र वैदेशिक रोजगारीइ वनीपिनिगु रेमिटेन्सय् निर्भर जुयाच्चंगु स्थिती दु, थुकी भौसं परिवर्तन



जीवनराम श्रेष्ठ

प्रतिनिधि सभा सदस्य उम्मेदवार
रैं क्षेत्र नं. ८, नेकपा (एस)

हय् हे माः। भौ न्ह्याबलें बैदेशिक रोजगारीइ निर्भर जुयाच्चनेगु कथंया अर्थतन्त्र देय्या विकास जुइ फइमखु। श्व समस्यां पिहांवय्त उद्योग विकास, व्यवसाय विकास यानावनेमाः, रोजगारीया अवसरलिसें स्वरोजगार जुइगु लकस दय्का वनेमाः। कृषिया क्षेत्रयात नं व्यवस्थित यानावनेगुलिइ वः बीमाः। जलश्रोत, पर्यटन क्षेत्रयात केन्द्रीत यानाः अर्थतन्त्र बल्लाकेगु खँय् ध्यान बी आवश्यक जू।

❻ छिगु विज्ञता ला खेलकुद क्षेत्रपाखे नं दु। निर्वाचनया दथुइ स्वर्ण पदक त्याकामि खेलाडीत म्यादी प्रहरीइ भर्ना ज्वन धइगु खँ वयाच्चंगु दु। थुकी छिगु छु धारणा दु ?

खेलकुद क्षेत्रयात भौसं न्ह्यगु ढङ्गं बिचाः याय्माःगु आवश्यकता ला दु ? खेलकुद क्षेत्रय् वनाः देय्या गौरव थकाय्गु ज्या यानाच्चर्वापं खेलाडीत दु, वय्कःपिन्त भौसं व्यवस्थापन याय्गु, खेल जीवन धुंकाः सुनिश्चित भविष्यया लागि योजना दय्के आवश्यक जू। जि सांसद जुयाः संसदय् च्वनाबल्य् खेलकुद ऐन दय्केगु सवालय् जिं विशेष भूमिका म्हातागु दु। नेपालया खेलकुद ऐन पंचायती व्यवस्थानिसंथा ऐन हे निरन्तर जुयाच्चंगु खः। आः राजनीतिक परिवर्तन धुंकाः न्ह्यगु ऐन दय्केधुंक्गु दु। श्व ऐनं मुक्कं खेलकुद क्षेत्रयात सम्बोधन याय्त सफल जूगु दु। न्हापाया खेलकुद ऐनं राष्ट्रिय खेलाडी, अन्तर्राष्ट्रिय खेलाडी, व्यवस्थापक, खेल संघ, ओलम्पिक कमिटी, सुं हे छुं हे म्हासय्गु कथंया ऐन दुगु खः। आः खेलकुद ऐन हिलेधुंक्कल। सु राष्ट्रिय खेलाडी, सु अन्तर्राष्ट्रिय खेलाडी, गुगु संघ राष्ट्रिय, ओलम्पिक कमिटी धयागु छु, सु व्यवस्थापक, सु प्रशिक्षक धयागु दक्व खँ न्ह्यगु ऐनं कःधाःगु दु। श्व छगु बांलाःगु पक्ष खः। मेगु पक्ष धयागु खेलाडीतय् संरक्षण गुकथं याय्गु व गुकथं उमिगु भविष्य सुनिश्चित याय्गु धयागु खँय् स्पष्ट नीति हय्माःगु आवश्यकता नं खनेदु। जिं उकी पक्का नं हाकनं नं भूमिका म्हातेगु जुइ।

जनताया सः श्वय्कीम्ह राजेन्द्र प्रसाद श्रेष्ठ

राजेन्द्र प्रसाद श्रेष्ठ, नेपाःया राजनीति ख्यलय् म्हसीका च्वनेमाःगु नां मखु। पूर्व संघीय मामिला तथा सामान्य प्रशासन मन्त्री तकं खःम्ह जनता समाजवादी पार्टीया नेता राजेन्द्र प्रसाद श्रेष्ठयात थःगु नीति व सिद्धान्तय् अडिगम्ह नेता कथं काय्गु याः। नेवाः समुदाय दुने ला वय्कः भन लोकं हवाःम्ह नेता खः। नेपाभाषा मंकाः खलःया दुजः कथं वय्कलं ताः ई न्ह्यःनिसैं हे थीथी नेवाः आन्दोलनय् न्ह्यज्यानाच्चनादीगु दु। नेवाः समुदायया नितिं ला वय्कः राजनीतिक क्षेत्रया नेता, पूर्वमन्त्री स्वयां राजेन्द्र दाई खः। वय्कः हे राजेन्द्र दाई नं थुगुसीया संसदीय निर्वाचनय् प्रतिनिधि सभा सदस्यया नितिं यें क्षेत्र नम्बर ७ पाखें कुसा चिं ज्वनाः उम्मेदवारी बियादीगु दु। थुगु हे क्षेत्र जनता समाजवादी पार्टीया नितिं स्वनिगलय् दकले बल्लाःगु क्षेत्र कथं नं कयाच्चंगु दु।



वय्कःयात संविधानविद् व पार्टीया नां व विधान दय्केगुलिइ संघीयताविद् कथं नं काय्गु याःसा नेपाली राजनीति क्षेत्रय् समाजवादया प्रणेता कथं नं वय्कःया नां न्ह्यःने वः। न्हापा थन कम्युनिष्ट पार्टीया लहर वःगु खः। नेकपा (एमाले) पार्टी बायाः पिहांवःपिं अशोक राई, राजेन्द्र श्रेष्ठ लगायतया पुचलं न्ह्यगु पार्टी दय्कल।

उगु पार्टीया नां च्वन, 'संघीय समाजवादी पार्टी नेपाल।' थ्व राजेन्द्र श्रेष्ठया अवधारणा

समाजवाद पार्टी गबलें हे मत्वःतू। लिसें थुगु पार्टी त्वःताः पिहांवीपिन्सं नं समाजवादया सिद्धान्त ज्वन। जसपा बायावंगु मधेशवादी नेतातय्सं लोकतान्त्रिक समाजवादी पार्टी धकाः नां तल सा बाबुराम भट्टराई नं नेपाल समाजवादी पार्टी तल।

उलि जक मखु, नेकपा एमालें बायाः पिहांवःम्ह माधव कुमार नेपाल नं नेपाल कम्युनिष्ट पार्टी (एकिकृत समाजवादी) धकाः पार्टीया नां तल। थज्याःगु अवस्थाय् वर्तमान इलय् राजनीतिक क्षेत्रय् समाजवादया लहर हःम्ह नेता धकाः थुकीया श्रेय राजेन्द्र श्रेष्ठयात हे बीगु यानाच्चंगु दु।

म्ये च्वय्गु, हालेगुलिइ नं जाःम्ह राजेन्द्र श्रेष्ठं थ्वयां न्ह्यः सांसद जूबलय् संसदय् थीथी मुद्दा ल्हवनाः जनताया सः न्ववाइम्ह

म्ये च्वय्गु, हालेगुलिइ नं जाःम्ह राजेन्द्र श्रेष्ठं थ्वयां न्ह्यः सांसद जूबलय् संसदय् थीथी मुद्दा ल्हवनाः जनताया सः न्ववाइम्ह नेता कथं थःगु छवि दय्केधुंकूगु दु। राज्यं ययःथे लालाःथाय् डोजर चले यानाः विना क्षतिपुर्ति जनताया छैं थुनाच्चंगु इलय् वय्कलं उकिया विरुद्ध संसदय् सः तयादीगु खः।

नेता कथं थःगु छवि दय्केधुंकूगु दु। राज्यं ययःथे लालाःथाय् डोजर चले यानाः विना क्षतिपुर्ति जनताया छैं थुनाच्चंगु इलय् वय्कलं उकिया विरुद्ध संसदय् सः तयादीगु खः। नापं आवास सम्वन्धि विधेयकय्



राजेन्द्र प्रसाद श्रेष्ठ
प्रतिनिधि सभा सदस्य उम्मेदवार
यें क्षेत्र नं. ७, जनता समाजवादी पार्टी



‘जिं ला थःगु कर्तव्य पूर्वका च्वनागु खः। उकियात सामाजिक संजालय्, संचार माध्यमय् प्रचारबाजी यानाः जुइमाः थें जितः मताः। थःगु ज्या याय्गु खः। आः नं व हे ज्यायात निरन्तरता बीत हे उम्मेदवारी बियागु दु’ नेता श्रेष्ठं धयादिल।

संशोधन प्रस्ताव तयाः विना क्षतिपुर्ति जनताया छैं थुने मदइगु व्यवस्था सुनिश्चित यानादिल। शिक्षा सम्वन्धि विधेयकय् नं वय्कलं हे संशोधन प्रस्ताव तयाः मातृभाषा शिक्षा सुनिश्चित याकादिल। थ्व हे विधेयकय् चुयाः आः यें महानगरपालिका, किपू

तयादिल, गुठी विधेयकविरुद्ध सः ल्हवनादिल।

तत्कालीन प्रधानमन्त्री केपी ओलीं निक्कः निक्कः संसद विघटन याःबलय् नं संसद पुनर्स्थापना याकेत लिसें वर्तमान सत्ता गठबन्धन दय्केत विशेष भूमिका म्हितूम्ह कथं राजेन्द्र श्रेष्ठया हे नां वइ। उलि जक मखु, वय्कः मन्त्री मखुबलय् वा पदय् मदुबलय् नं २०७२ सालय् भुखाचं पिडित जूपिं पुलां गुह्येश्वरीया परिवारयात वय्कलं पहल यानाः १२० खा छैं दय्कादीगु दु।

राजेन्द्र श्रेष्ठं थज्याःगु यक्व हे जनताया मुद्दा ल्हवनादीगु दु।

अथेसां वय्कः मेपिं थें हल्ला याय्गु, क्रेडिट नय्गुलिइ धाःसा ल्यूने लाः। थुकथं हल्लाबाजी यानाच्चने वय्कःयात मयः हं। ‘जिं ला थःगु कर्तव्य पूर्वका च्वनागु खः। उकियात सामाजिक संजालय्, संचार माध्यमय् प्रचारबाजी यानाः जुइमाः थें जितः मताः। थःगु ज्या याय्गु खः। आः नं व हे ज्यायात निरन्तरता बीत हे उम्मेदवारी बियागु दु’ नेता श्रेष्ठं धयादिल।

नगरपालिका, यल महानगरपालिकां स्थानीय मातृभाषां स्थानीय पाठ्यक्रम लागू याय्धुंकूगु दु। ऐतिहासिक कमलपोखरीयात न्हंकाः दय्कूगु व्यापारिक भवन छायां कम्प्लेक्सयाबारे संसदय् सः



राजुराज जोशी
प्रदेश सभा सदस्य उम्मेदवार
यै क्षेत्र नं. ८ (१), नेपाली काँग्रेस

वङ्गु मंसिर ४ गते जुइत्यंगु आम निर्वाचनया इबलय प्रदेश सभा सदस्य पदया नितिं यै क्षेत्र नम्बर ८ (क) य नेपाली काँग्रेसपाखें राजुराज जोशी उम्मेदवारी बियादीगु दु । २०७४ सालया निर्वाचनय यै महानगर प्रमुख पदया नितिं उम्मेदवारी बियादीमह वयकः थुगु पालय प्रदेश सभासद जुइगु योजनाय न्ह्यज्यानादीगु दु । थुगु पालय थःगु जित सुनिश्चित धकाः दावी यानावःमह वयकःलिसे जूगु बःचाहाकःगु खँलाबला न्ह्यब्वयाच्चना । (सं)

➔ थुगु पालय छिगु अवस्था छिं गथे खंकादियागु दु ?

थुगु पालय जिगु अवस्था तसकं बांलाः । जिगु जित सुनिश्चित हे धायफु । जिं ला थन थःगु कम्पिटसन हे मखना । स्थानीय निर्वाचनय यै क्षेत्र नम्बर ८ य भीगु गतिविधि गुकथं जुल व स्वयंबलय नं भी बल्लाः खनेदु । भीगु संगठन नं धिसिलाकक न्ह्याःवनाच्चंगु

दु । व्यक्तिगत रुपं खँ लहायगु खःसां थव क्षेत्रय समाजसेवा वा राजनीतिइ जुयाः जि निरन्तर जनसम्पर्कय च्वनाच्चनागु दु । व ल्याखं थुगु क्षेत्रया जनतां नं जितः बालाक हे म्हस्यु व जिलिसे मिले जुयाः शीथी ज्याइवः व योजना न्ह्याकाच्चंगु दु । व ल्याखं थन क्षेत्रय प्रतिस्पर्धा हे मदुगु जिं खनाच्चना ।

➔ छिं थःगु जित सुनिश्चित धयाच्चनादिल । छगु ला न्हापाया स्थानीय निर्वाचनय छिं त्याकेमफूगु अले न्ह्यःया संसदीय निर्वाचनय नं थव क्षेत्रय एमालें त्याकूगु अवस्था दु । कम्पिटशन मदु गुकथं धयादी ?

सक्रिय राजनीतिइ ला जि ताः ईन्ह्यःनिसें दुगु हे खः, पदय जक मच्चनागु खः । पार्टीइ आवद्ध जुयाः ज्या यानाः जनतालिसे सम्पर्कय च्वना हे च्वच्चनागु दु । न्यादें न्ह्यःया स्थानीय निर्वाचनय जिं चुनाव त्याकेमफूगु ला खः, तर बूगु वा जितः

मत मब्यूगु कथं मखु । उबलय मेपिन्सं जिगु भोट क्वकायगु ज्या यानाबिल । उगु इलय विवेकशील व साभा पार्टी जिगु ४३ हजार भोट काटे यानाबिल । न्हापा न्हापाया निर्वाचनय भीगु गुगु मत दुगु खः, उमिसं हे यंकाबिल । मखुसा स्वयादिसं ले, संसदया निर्वाचनय भीगु ८० हजार स्वयां अप्वः मत दुगु खः । आःया स्थिती पाः । आः भीगु स्थिती बल्लाः, भी सशक्त रुपय दु ।

➔ छिगु थें निर्वाचन त्याकेगु योजना ला मेगु पार्टीया नं दइ नि । उमिसं नं थःगु स्थिती बल्लाः हे धयाच्चंगु दु नि ।

न्यादेंतक ओली सरकारं गुकथं देय न्ह्याकल व सुइतं कनाच्चनेम्वाः, सकसिनं खंगु हे दु । संविधान हे सिधयकेत स्वल, निक्वः निक्वः संसद विघटन यात । अदालतं धालं तक हे खँ मन्यं, हाकनं नं विघटन यानाबिल । पटक पटक अस्थिरता हयत स्वल व सुनां मखं । जनतां ला ज्या या धकाः बाम गठबन्धनयात दुई तिहाईया मत बियाः सरकारय छ्वःगु खः । तर बाम गठबन्धन ला ल्यंके मफुत मफुत, थःगु हे पार्टीया नेतातयत कःघानातय मफयाः पार्टी टुक्रा जुल । एमाले जक मखु, माओवादी नं टुक्रा जुल । राजनीतिक रुपं नं वयकःपिं छधी जुयाः च्वनेमफुपिं धकाः बयन नापं जनतां

ब्यूगु दुई तिहाई मतया नं अपमान जुल । आः जनतां व दक्कं परिस्थिती थुइधुंकल । व ल्याखं जनतां दक्कं खँया मूल्याङ्कन यानाः सुइत मत बीगु धकाः निर्णय यायधुंकल ।

➔ थुगुसी छिकपिं हे गठबन्धन दयकाः चुनावी मैदानय कुहांभाःगु दु । आः बाम गठबन्धन थें छिकपिनिगु गठबन्धन नं टुक्रा मजुइ धकाः गथे धायगु ले ?

न्हापा जुजुं दयकूगु संविधान नं न्ह्यानाच्चनेमफुत । पंचायतय जनमत संग्रह धुंकाः दयकूगु संविधान नं न्ह्यायमफुत । वयां लिपा ४६ सालया बहुदलीय प्रजातन्त्र लिपा कृष्ण प्रसाद भट्टराई प्रधानमन्त्री जुयाच्चंबलय न्हूगु संविधान वल, व नं न्ह्यायमफुत । आः जनतां ल्यायछ्वःपिं जनप्रतिनिधितयसं संविधान सभामार्फत दयकूगु जनताया संविधानयात तक हे फेल यायत स्वःगु स्थिती जूबलय गठबन्धन यायमाःगु खः । आः धाःसा चुनावयात जक मखु, संविधानया रक्षा यायत, देशया विकास यायत लिपातकक नं गठबन्धनयात न्ह्याकातयमाः धइगु ल्याखं काँग्रेस व कम्युनिष्ट निगुलिं विचारधारायापिं छथाय च्वनाः न्ह्यानाच्चनागु दु । कन्हय छु जुइ सुनां मस्यु, तर उलिमाछिया संघर्ष, बलिदान लिपा प्राप्त संविधान नं

सिधल धाःसा देय हे फेल जुइ । अय जूगुलिं मुख्य धयागु संविधानया रक्षा यायगु खः, देशयात विकासया लँपुइ न्ह्यज्याकेगु खः । संविधानयात आःया गठबन्धनं जक ल्यंकेफइ ।

➔ पत्रकारिता क्षेत्रया विकासया नितिं छिगु छं योजना दु ला ?

पत्रकार पासापिन्सं नं छुं नं समाचार वा सामग्री सम्प्रेषण यायबलय लाकवपाक भ्रामक खँ छ्वयमजिल । अज्याःगु ज्या यानाच्चपिं नं मदुगु मखु । थुकी भचा ला कडाई जुइ हे माल । राष्ट्रया हरेक पक्षयात गुकथं विकास यायफइ धइगु हे बिचाः ज्वनाच्चनागु दु । व हे ल्याखं पत्रकारिता क्षेत्रया विकासय नं बिचाः व योजना दु । जिगु नं यक्व पत्रकार पासापिं दु । समाजयात सुसूचित यायत, संचार यायत पत्रकार पासापिन्सं नं सकारात्मक भूमिका भिहताच्चंगु हे दु । पत्रकारतय नं सुविधा कम धकाः स्यू । मेपिनिगु अधिकारया खँ ल्हवनीपिं पत्रकारया अधिकार कुण्ठत जुयाच्चंगु अवस्था नं दु । स्वच्छ पत्रकारिताया विकास यानाः पत्रकारया हक, अधिकारया सुरक्षा जुइगु ल्याखं हे भीसं ज्या याय । पत्रकारिता क्षेत्रयात नं विकास यायगु, पत्रकारितामैत्री वातावरण दयकेगुपाखे ज्या यायगु जुइ ।

“जनतां दक्कं परिस्थिति थुइधुंकल”

न्यादेंतक ओली सरकारं गुकथं देय न्ह्याकल व सुइतं कनाच्चनेम्वाः, सकसिनं खंगु हे दु । संविधान हे सिधयकेत स्वल, निक्वः निक्वः संसद विघटन यात । अदालतं धालं तक हे खँ मन्यं, हाकनं नं विघटन यानाबिल । पटक पटक अस्थिरता हयत स्वल व सुनां मखं । जनतां ला ज्या या धकाः वाम गठबन्धनयात दुई तिहाईया मत बियाः सरकारय छ्वःगु खः ।

दुनुगलंसिं बिचाः हायेका



मदुमह दिपक नरसिंह श्रेष्ठ



थुगु खलःया आजीवन जःलिसें ल्यूदाभरिं
दीपक नरसिंह श्रेष्ठ
आकाभाकां थुगु लोक त्वःता वनं ।
दिवंगत आत्माया चीर शान्तिया कामना यासें
सुखावति भूवनस वास लायेमा ।

हिराकाजी महर्जन, नायः
नेपालभाषा मंकाः खलः यल
सकल जः

न्हापाया १३ मध्ये छगू जक ल्यं दनिगु प्रतिवद्धता थुगुसी पूर्वके

२०७२ साल वैशाख १२ गतेया तःभुखाचं यैया म्हसीका जुयाच्चंगु ऐतिहासिक, धार्मिक, सांस्कृतिक सम्पदा मरुसतः अर्थात् काष्ठमण्डपयात नं पाःताः दयकाबिल। न्ह्याथाय् स्वःसां मात्र धरहराया खँ जुइगु, राज्यं नं धरहरा पुनर्निर्माणया जक खँ जुइगु। मरुसतःया सुनां हे च्यूताः मकाःगु थें खनेदयाच्चंगु अवस्थाय् सम्पदा प्रेमीतय् चिन्ता अप्वइगु ला स्वाभाविक हे जुल। व इलय् काष्ठमण्डप दयकेत न्ह्यःने वःम्ह व्यक्ति खः, तत्कालीन बागमती प्रदेशया सभासद राजेश शाक्य।

भाषा आन्दोलन व नेपाल सम्वतया आन्दोलनय् नं ताः ई न्ह्यःनिसें सक्रिय जुयाच्चंगुम्ह राजेश शाक्य थुगुसीया संसदीय निर्वाचनय् नं यें क्षेत्र नम्बर ८ (क) पाखें प्रदेश सभा सदस्यया निति उम्मेदवारी बियादीगु दु। न्ह्यगुगु शताब्दीया संरचना काष्ठमण्डप हाकनं धस्वाकेत जनकपुर, धनुषाय् सिं मालेत चाहिं मधाःसे ब्वाँयजूम्ह शाक्य थुगुसी नं वागमती प्रदेशसभा सदस्यया लागिं नेकपा (एमाले) पाखें उम्मेदवारी बियादीगु दु।

शाक्यया थ्वयां न्ह्यः सांसद जूबलय् अप्वःथे ई काष्ठमण्डप पुनर्निर्माणय् हे बित। उकिं यानाः शाक्य नाम वलाकि हे मनुतय्सं मरुसतः लुमकीगु स्थिति जूगु दु। खला, प्रदेशसभाया न्हापांगु निर्वाचनया इलय् शाक्य) मरुसतः पुनर्निर्माणयात थःगु प्रतिबद्धताया न्हापांगु ल्याख्य तयादीगु खः। मरुसतःया पुनर्निर्माण सरकारी प्राथमिकताय् मलानाच्चबलय् काष्ठमण्डप पुनःनिर्माण समितिइ च्वनाः नेतृत्व हे कयाः ज्या याय्गु खँ धाःसा थःगु कल्पनां पिनेया खँ जुयाच्चन। प्रदेश सांसद जुइधुंकाः शाक्ययात परिस्थितिं पुनर्निर्माण

समितिया नायः जुइगु स्थितिइ थ्यंकूगु खः।

न्ह्यः निक्वः निक्वः उपभोक्ता समितिमाफत समुदायस्तरं मरुसतः पुनर्निर्माण याय्गु कुतः याःसां निगुलिं समिति आन्तरिक विवादय् हे तक्यनाच्चन। उकिं पाठ सय्काः स्वक्वःगु खुसी शाक्यया अध्यक्षताय् पुनर्निर्माण समिति गठन याःगु खः। व उगु समितिं ज्या न्ह्यःने यकाः आः मरुसतःया उलेज्या तकं जुइधुंकेल। उगु इलय् महानगरपालिकाया आर्थिक अनुदान व शाक्य नेतृत्वया समितिया क्रियाशीलताया हुनिं भुखाचं थुनाब्युगु करिब न्ह्यदँ लिपा बल्ल मरुसतःया पुनर्निर्माण जूगु खः।

मरुसतः पुनर्निर्माण जुइधुंकाः उकिया अवलोकन याय्गु इवल्य राष्ट्रपति विद्यादेवी भण्डारीनिसें तत्कालीन प्रधानमन्त्री केपी शर्मा ओलीनिसें नं सम्पदा क्षेत्रय् गौरव याय्बहःगु ज्या धकाः न्ववाःगु खः। ठेक्काय् दयकेत स्वःबलय् अनुमानित लागत १९ करोड तका धाःगुलिइ ११ करोड तक जक पुनर्निर्माणय् खर्च जूगु खः।

न्हापाया निर्वाचनय् थःगु १३ प्रतिबद्धता मध्ये पूरा मजगु छू थुगुसी पूर्वकेत थः न्ह्यज्याय्गु शाक्यं धयादिल। भाषा आयोगया सिफारिस कथं वागमती प्रदेशय् नेपालभाषा व तामाङ भाषायात कामकाजी भाषा दयकेगु थःगु न्हापाया प्रतिबद्धता थुगुसी पूर्वकेगु वयकःया योजना दु। वलिसें वयकलं हनुमानढोका दरबार संरक्षण क्षेत्रया गुर्योजना तयार यानाः कार्यान्वयन याय्गु, सम्पदाया संरक्षण, संस्कृतियात आर्थिक विकासलिसे स्वाय्गु, मेलम्ची खानेपानीयात फक्क याकनं येंय हय्गु, प्रदेश सरकारया लेटर प्याडय् नेपाल संवत् व रजना लिपि

छ्ययकेबीगु, स्वनिगःया वस्तुस्थिति कथं गुठी विधयेक हय्गु, युवा रोजगारी व मनमती खुसि करिडोर विकास याय्गुलिसेया प्रतिबद्धता नं वयकलं न्ह्यःने हयादीगु दु।

सामाजिक ज्या यायां राजनीतिइ वःम्ह शाक्य पार्टीया क्वय्या कमिटीनिसें ज्या यानावःम्ह नेता खः। जनतालिसे बांलाक भ्यलय्पुंम्ह शाक्यं थ्वयां न्ह्यः संविधानसभा सदस्य जुइधुंकेम्ह राज्यलक्ष्मी श्रेष्ठलिसे १७सः मतान्तरं निर्वाचनय् त्याःगु खः। शाक्यया आः धेंधें बल्लाः नेपाली कांग्रेसया राजुराज जोशीलिसे जुइगु खनेदु।

थुकथं हे दैयदसं गुंपुन्ही खुनु येंय जुइगु बहीद्यःया दर्शन व दर्शनयात्रा (बहीद्यः स्वः वनेगु) परम्पराकथंया रुटय् यगु लागाय् दुगु बौद्ध सम्पदायात स्वाइगु न्ह्यु पर्यटकीय सम्पदा मार्गया विकास यानाः संस्कृति व पर्यटनयात प्रवर्द्धन याय्गु खँ न्ह्यथनादीगु दु।

वयकलं नेपाःया राष्ट्रिय संवत् नेपाल संवत् व रजना लिपितयात प्रदेश सरकारया लेटर प्याण्डय् छ्यगु व रजना लिपिया उत्थान व प्रवर्द्धनया नितिं विशेष पहल याय्गु प्रतिबद्धता नं प्वंकादीगु दु।

वयकलं नेपाःया मूर्त अमूर्त कला, संस्कृति व सम्पदातय्गु संरक्षण, सम्बर्द्धन व विकास या नितिं पहल याय्गु खँ न्ह्यथनादिसें थुगु निर्वाचन क्षेत्रे मौलिक कला, संस्कृति व सम्पदातय्पाखें छाय्पियातःगु विश्व सम्पदाय् सूचीकृत लाग्गु लिसें स्वनिगःया मू व्यापारिक क्षेत्र तकं जूगुलिं थुगु लागाय् फोहर व्यवस्थापनया नितिं विशेष प्रबन्ध याय्माःगु खँयात मनन यासैं स्थानीय रुपय् हे फोहर व्यवस्थापन याय् कुतः याय्गु धयादीगु दु।



राजेश शाक्य

प्रदेश सभा सदस्य उम्मेदवार
यें क्षेत्र नं. ८ (१), नेकपा (एमाले)



भाषा आन्दोलन व नेपाल सम्वतया आन्दोलनय् नं ताः ई न्ह्यःनिसें सक्रिय जुयाच्चंगुम्ह राजेश शाक्य थुगुसीया संसदीय निर्वाचनय् नं यें क्षेत्र नम्बर ८ (क) पाखें प्रदेश सभा सदस्यया निति उम्मेदवारी बियादीगु दु। न्ह्यगुगु शताब्दीया संरचना काष्ठमण्डप हाकनं धस्वाकेत जनकपुर, धनुषाय् सिं मालेत चाहिं मधाःसे ब्वाँयजूम्ह शाक्य थुगुसी नं वागमती प्रदेशसभा सदस्यया लागिं नेकपा (एमाले) पाखें उम्मेदवारी बियादीगु दु।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरीङ पनि गरिन्छ।

- (क) व्यापारी त्यासा
(ख) हायरपचेज त्यासा
(ग) आवासीय त्यासा



- (घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यें, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

कोलोराडोय् न्हूँ हन, भूषण लाल श्रेष्ठ न्हूँ नायः



नेपाल सम्बत् ११४३ या लसताय कोलोराडो, अमेरिकाय् ने.सं. ११४३ कछलाथ्व षष्ठी (अक्टोबर ३०) आइतबाः खुनु भिंतुना कालबिल यानाः न्हूँ हन । लडमन्ट्या सिटी कार्नासिल दुजः शिकिता यारबोरो त्वादेवाय् इताःमत च्याकाः व नायः प्रेम काजी श्रेष्ठ शंखधर साख्वाःया किपाय् स्वाँमा देछाना ज्याइवःया उलेज्या यानादीगु खः । उगु हे ज्याइवल्य् मू-पाहाँ यारबोरो कोलोराडो नेवाः खलःया कुताक्षर आखलं च्यातःगु म्हसिका चिं

(लोगो)या नं उलेज्या यानादीगु खः ।

नेपाली व नेपालभाषा वाडमय् ख्यःया शताब्दी पुरुष नाम च्छयातमह मद्रुह डा. सत्यमोहन जोशीयात लुमंकुसे छगू मिनेट मौनधारण याःगु खःसा नेपाल सम्बत्या प्रणेता, नेपालया राष्ट्रिय विभूति शंखधरया भिडियोपाखें न्हूँ नेपाल सम्बत् गथेयाना न्ह्यात धकाः क्यनेगु ज्या जगु खः ।

सविशा श्रेष्ठ हुला प्याखं व सुरेश चन्द्र प्रधानं म्वालि पुयाः न्ह्याइपुकादीगु ज्याइवल्य् जीवकाःछि

जः(आजीवन सदस्य)पिंत व न्हूगु ज्यासना पुचःपिंत न मू-पाहाँ यारबोरो दसिपौ लःल्हानादीगु जुल ।

कोलोराडो नेवाः खलःया न्हूँह नायःकथं भूषण लाल श्रेष्ठयात ल्यःगु दुसा ब्यं नायः प्रेमकाजी श्रेष्ठ, न्वकू मनोज काजी तुलाधर, मू-छ्याञ्जे सञ्जय शाक्य, छ्याञ्जे नारायण प्रसाद दुवाल, दांभरि मोहन काजी श्रेष्ठ, तजिलजि छ्याञ्जे सुरेन्द्र महर्जन, इभेन्ट अफिसर सुनन्दा डंगोल, पब्लिक रिलेसन अफिसर विनिशा श्रेष्ठ व दुजःपिं सुरेश श्रेष्ठ, सुरेन्द्र अवाल, जोशन श्रेष्ठ, अनिल बज्राचार्य ल्यःगु दु । गैरआवासीय नेपाली संघया न्वकू बिष्णु पौडेल, अन्तराष्ट्रिय नेपाली साहित्य समाज कोलोराडो कवःया नायः राजु सिटीला, नेपाली घरया नायः जगदीश चन्द्र ढकाल व रक्की माउन्टेन फ्रेण्डस् अफ अमेरिकाया टिका पौडेल व हेल्पिड ह्याण्डसया नायः नारायण श्रेष्ठ ज्याइवल्य् भिंतुना देछाना दिल ।



नेपाल संवत् ११४३ कछलाथ्व द्वादशी खुनु न्हूँया लसताय जूगु ज्याइवल्य् लुमन्तिपौ पितव्वज्या यासें नेपाः पासा पुचः अमेरिकाय्या नायः मनोहर श्रेष्ठलिसें मूपाहाँ आशिष्मा नकःमि ।

स्वयम्भुइ राष्ट्रिय ध्याइ गुठी उलेज्या



ने. सं. ११४२, कछलाथ्व चतुर्दशी सोमबाः खुनु स्वयम्भू महाचैत्य लिकक च्वंगु दोङ्ग छ्योलिड देवा धर्म पुलांगु गुम्बा - राष्ट्रिय ध्याइ गुठीया उलेज्या जुल । २०७२ साल बैशाख १२ गतेया तःभुखाचं पूर्ण रुपं क्षतिग्रस्त जूगुलं ऊगु गुम्बाया पुजारी तेन्दर लामाया न्ह्यज्यां, भूटान सरकार व अन्य थी थी संस्था व ब्यक्तिपनिगु आर्थिक गुहालि व पुरातत्त्व बिभागया प्राबिधिक गुहालिं गुम्बाया ल्हवनेज्या क्वचाःगु खः ।

श्रद्धेय गुरु कुशयो छेच्युया अवतारी गुरुजिमे छोइडनोर्बु रिम्पोछेजु अले गुठी संस्थानया प्रशासक किरण शाक्यपाखें मंकाः कथं उलाः उलेज्या याःगु खः । उलेज्याया ज्याइवल्य् देश बिदेशं हनेबहःपिं थीथी पाहाँपनिगु उपस्थिति दूगु खः ।

ल्हवनेज्या क्वचाःगु ऊगु गुम्बा दयेकेत भूटान सरकार, बुद्ध धर्म महाबिहार साङ्गे छ्योलिड गुम्बा, पुजारी तेन्दर लामा व भक्तजनपनिगु आर्थिक गुहालिं सम्पन जूगु खः ।

शिकागोय् सत्यमोहन जोशी लुमंकुसे न्हूँ हन



नेवाः अमेरिकन दबू शिकागो मद्रुह सत्यमोहन जोशीयात श्रद्धाञ्जली देछासें नेपाल सम्बत् ११४३ न्हूँ हंगु दु । ज्याइवल्य् मूपाहाँकथं नेपाल भायादीपिं कृष्ण हरि श्रेष्ठ व मंगल देवी श्रेष्ठ गणेश पुज्याना, अथे हे मूपाहाँकथं मेम्ह

नेपाल भायादीपिं त्यपू कर्ण जोशी व तुलसा जोशीपाखें त्वाः देवा च्याकाः ज्याइवः उलादीगु खः ।

नेवाः अमेरिकन दबूया नायः किरण व्यञ्जनकारं लसकुस याना दिसें थःगु कार्यकाल क्वचाःगुलिं न्हूगु नेतृत्वया निर्तिं आह्वान यानादिल ।

नेवाः अमेरिकन दबूया पुलांमह नायःलिसें वरिष्ठ सल्लाहकार केशरमान ताम्राकारपाखें सत्य मोहन जोशी व नेवाः अमेरिकन दबू शिकागोलिसे तसकं क्वातूगु स्वापू दुगु खँ कनादिल ।

ज्याइवल्य् सांस्कृतिक ज्याइवः नं जूगु खः । ज्याइवल्य् नविन महर्जन, कृष्णहरि श्रेष्ठ, इच्छा श्रेष्ठ, नूर महर्जन व क्षितिज कक्षपाति श्रेष्ठ हुलाप्याखं व नेवाः म्ये निरज श्रेष्ठ व बिनय खड्गी न्यकादीगु खः ।

लक्ष्मीनारायण पुनमाया सिरपाः लःल्हात



ने.सं. ११४०, ४१ व ४२ सालया एसएलसीइ नेपालभाषा विषय कयाः ताःलाःपिं ब्वमिपिन्त छगू ज्याइवःया दथुइ मूपाहाँ संस्कृति, पर्यटन तथा नागरिक उड्डयन मन्त्री जीवनराम श्रेष्ठ सिरपा लःल्हानादिल ।

नेपालभाषा विषय कयाः ब्वनादीपिं मध्ये दकलय् अप्वः ल्याः हःपिंत २५ ढः तका व ताःलाःपिन्त म्हीतं ढःछि तका लःल्हाःगु खः ।

ने.सं. ११४० य् सुस्मिता राजभण्डारी, ११४१ य् सदिका महर्जन व ११४२ य् पूर्णमा तुलाधर न्हाप जुइत ताःलाःगु खः । न्हाप लानादीपिं स्वम्हं जगत सुन्दर ब्वनेकुथिया ब्वमिपिं खः ।

सिरपाः गुथिया नायः प्रा.डा. चुन्दा बज्राचार्यया सभापतित्वय् जूगु ज्याइवल्य् विशेष पाहाँकथं येँ मनपाया प्रवक्तारिसें १७ वडाया वडाध्यक्ष नविन मानन्धर भायादीगु खःसा पाहाँकथं येँ मनपा १५ वडाया नायः ईश्वरमान डंगोल भायादीगु खः ।

ज्याइवल्य् सिरपाया दातापाखें नारायणदास मानन्धरं ब्वति कयादीगु खः । वय्कः सिरपादाता लक्ष्मीदास मानन्धरया काय् जुयादी ।

ज्याइवल्य् सिरपा दाता मानन्धरलिसें लक्ष्मीनारायण पुनमाया मानन्धरपिनि किपाय् स्वाँमाः देछासें श्रद्धाञ्जली देछाःगु खः ।

राष्ट्रिय जनमुक्ति पार्टीया प्रतिबद्धता पितव्वल



राष्ट्रिय जनमुक्ति पार्टीपाखें छगू ज्याइवःया दथुइ थःगु प्रतिबद्धता सार्वजनिक याःगु दु ।

पार्टीया उपाध्यक्ष विदु प्रकाश कायस्थया मूपाहाँसुइ जूगु ज्याइवल्य् डा. महेशमान श्रेष्ठ पाहाँकथं भायादीगु खः ।

पार्टीपाखें पितव्वयूगु प्रतिबद्धता पत्रय् सकल नेपाःमि नागरिकपिन्त निःशुल्क स्वास्थ्य सेवा, निःशुल्क शिक्षा बीगु, रोजगारी र स्वरोजगारीया ग्यारेण्टी याय्गु, कृषि, पशुपालन, उद्योग व पर्यटनय् ल्याय्महतयूत प्रोत्साहन बीगु प्रतिबद्धता प्वंकूगु खः ।

पार्टीपाखें बागमति प्रदेशया समानुपातिक उम्मेदवार सुदयराज शिलाकारं उगु ज्याइवः न्ह्याकादीगु खः ।

जलया पर्यटन प्रवर्द्धन विषयस सहलह



नेवाः पत्रकार राष्ट्रिय दबूया यल जिल्लां जल (हरिसिद्धि) या पर्यटन प्रवर्द्धन विषयस सहलह ज्याइवः याःगु दु । ज्याइवल्य् दबूया केन्द्रिय बरिष्ठ उपाध्यक्ष नृपेन्द्रलाल श्रेष्ठं जलय् सांस्कृतिक खलं पर्यटन प्रवर्द्धन यायेफइगु बिचाः तयादीगु खः । यल महानगरपालिका २८ वडाया अध्यक्ष बीरेन्द्र महर्जन व २९ वडाध्यक्ष गणेशकुमार महर्जनं जलयागु म्हीसिका कथं याकनं हे छगू डकुमेन्ट्री पिकाय्गु योजना न्यकादिल । जलया सांस्कृतिक जात्राया प्रचार प्रसारय्

पत्रकार दबूया ग्वहालिया आशा नं वडाध्यक्षद्वयं क्यनादीगु खः ।

उगु हे ज्याइवल्य् पुलांगु कार्यसमितिया दुजःपिन्त सुभाय् पौ व न्हूँपि दुजःपिं श्रृजना दुवाल, गुणराज शाक्य, व ईना महर्जनयात दसिपौ नं लःल्हाःगु खः । दबूया अध्यक्ष मञ्जु बज्राचार्यया सभाध्यक्षताय् जूगु ज्याइवल्य् दबूया केन्द्रिय उपाध्यक्ष रचना श्रेष्ठ, महासचिव सुनील महर्जन, कोषाध्यक्ष सुरेन्द्रभक्त श्रेष्ठ, यल जिल्लाया निवर्तमान अध्यक्ष सागर महर्जनलिसेंया उपस्थिति दूगु खः ।

काठमाडौं क्षेत्र नं ८ वाम लोकतांत्रिक गठबन्धनका साभ्का उम्मेदवारहरुलाई विजयी गराऔं



राजुराज जोशी
प्रदेश सभा सदस्य 'ब'
सूर्य चिन्ह रस्व



जीवनराम श्रेष्ठ
प्रतिनिधि सभा सदस्य
सूर्य चिन्ह रस्व



अमिन पाण्डे
प्रदेश सभा सदस्य 'ब'
सूर्य चिन्ह रस्व

अबको अभियान सन्धिको लागि।

स्वाधिन, शान्त र समृद्ध नेपालका लागि छातामा मतदान गरौं।

राजेन्द्र प्रसाद श्रेष्ठ
काठमाडौं क्षेत्र नं ७ प्रतिनिधि सभा उम्मेदवार

काठमाडौं क्षेत्र नं. ६ का उम्मेदवारहरुलाई अत्याधिक बहुमतले विजयी गराऔं।



बिरेन्द्रलाल सिंह महर्जन
प्रदेश सभा, काठमाडौं ६ (क)



सुर्बेन्द्र खडाल
प्रतिनिधि सभा, काठमाडौं क्षेत्र नं. ६



ई. अमन मास्को
प्रदेश सभा, काठमाडौं ६ (क)

नेकपा (एमाले) काठमाडौं क्षेत्र ६ चुनाव प्रचार प्रसार समिति

समृद्ध नेपाल सुखी नेपाली

राजेश शाक्य
प्रदेश सभा सदस्य उम्मेदवार
काठमाडौं क्षेत्र नं. ८ (क)

सूर्य चिन्हमा मतदान गरौं।

आगामी मंसिर ४ गते हुने प्रतिनिधि सभा र प्रदेश सभा निर्वाचनमा ललितपुर क्षेत्र नं. ३ का गठबन्धनका साभ्का उम्मेदवारहरु

प्रतिनिधि सभाका उम्मेदवार



राजेश्वर श्रेष्ठ
प्रदेश सभा उम्मेदवार
नेकपा (माओवादी) केन्द्र



संका मूवाल
गठबन्धन साभ्का उम्मेदवार
नेकपा (माओवादी) केन्द्र



धिरेंद्र कुमार श्रेष्ठ
प्रदेश सभा उम्मेदवार
नेकपा (माओवादी) केन्द्र

लाई अत्याधिक बहुमतले विजयी गराऔं !!!

प्रचारकः | नेपाली काँग्रेस जिल्ला समिति ललितपुर | नेकपा (माओवादी) केन्द्र जिल्ला समिति ललितपुर | नेकपा एकीकृत समाजवादी जिल्ला समिति ललितपुर

वसन्त

मानन्धर
प्रदेश सभा उम्मेदवार
काठमाडौं क्षेत्र नं. ७

संस्कृतिविद्य वाङमय सत्तावी पुस्तक

स्व. डा. सत्यमोहन जोशी

अनिश्चयको संसार उपासना समिती !
उपरिवासा विरलभानि तेष उपासनी सुधी !!

मोतिलाल शिल्पकार
सोर्खेत टोल, मानभवन, पन ।

धार्मिक-साँस्कृतिक सहिष्णुता कायम राखौं

एक-अर्काको धर्मसाँस्कृति, रीतिरिवाज, रहनसहन र चाडपर्वको सम्मान गरौं।
एक-आपसमा भेदभाव नगरौं, धार्मिक-साँस्कृतिक सहिष्णुता कायम राखौं।

नेपाल सरकार

विज्ञापन बोर्ड